

隋

書

三

志第六

隋書十一

太尉楊州都督監修國史柱國趙國公臣長孫無忌等奉勅撰
禮儀六

梁制乘輿郊天祀地禮明堂祠宗廟元會臨軒則黑介幘
通天冠平冕俗所謂平天冠者也其制玄表朱綠裏廣七
寸長尺二寸加於通天冠上前垂四寸後垂三寸前圓而
後方垂白玉珠十有二旒其長齊肩以組爲纓各如其綬
色傍垂黻纒琉璃以玉瑱其衣阜上絳下前三幅後四幅
衣畫而裳繡衣則日月星辰山龍華蟲宗彝畫以爲績
裳則藻粉米黼黻以爲繡凡十二章素帶廣四寸朱裏以

朱繡裨飾其側中衣以絳緣領袖赤皮爲韞蓋古之韞也
絳袴袜赤烏佩白玉垂朱黃大綬黃赤縹紺四采革帶帶
劍緹帶以組爲之如綬色黃金辟邪首爲帶鏹而飾以白
玉珠又有通天冠高九寸前加金博山述黑介幘絳紗袍阜
緣中衣黑烏是爲朝服元正賀畢還儲更衣出所服也其
釋奠先聖則阜紗袍絳緣中衣絳袴袜黑烏臨軒亦服袞
冕未加元服則空頂介幘拜陵則笈布單衣介幘又有五
梁進賢冠遠遊平上幘武冠單衣黑介幘宴會則服之
單衣白帽以代古之疑衰皮弁爲弔服爲羣臣舉哀臨
喪則服之

天監三年何佟之議公卿以下祭服裏有中衣即今之中單也案後漢輿服志明帝永平二年初詔有司採周官禮記尚書乘輿服從歐陽說公卿以下服從大小夏侯說祭服絳緣領袖爲中衣絳袴袜示其赤心奉神今中衣絳緣足有所明無俟於袴旣非聖法請不可施遂依議除之

四年有司言平天冠等一百五條自齊以來隨故而毀未詳所送何佟之議禮祭服敝則焚之於是並燒除之其珠玉以付中署

七年周捨議詔旨以王者衮服宜畫鳳皇以示差降按禮有虞氏皇而祭深衣而養老鄭玄所言皇則是畫鳳皇羽

也又按禮所稱雜服皆以衣定名猶加袞冕則是袞衣而冕明有虞言皇者是衣名非冕明矣畫鳳之自事實灼然制可又王僧崇云今祭服三公衣身畫獸其要背及袖又有青獸形與獸同義應是雉即宗彝也兩袖各有禽鳥形類鸞鳳似是華蟲今畫宗彝即是周禮但鄭玄云雉屬昂鼻長尾是獸之輕小者謂宜不得同獸尋冕服無鳳應改爲雉又裳有圓花於禮無礙疑是畫師加葩籬耳藻米補黻垂古制今請改正并去圓花帝曰古文日月星辰此以一辰攝三物也山龍華蟲又以山攝三物也藻火粉米又以藻攝三物也是爲九章今袞服畫龍則宜應畫鳳明矣孔安國云華者花也則

為花非疑若一向畫雉差降之文復將安寄鄭義是所未
允又帝曰禮王者祀昊天上帝則大裘而冕祀五帝亦如
之又云莞席之安而蒲越之棠秸之用斯皆至敬無文貴誠
重質今郊用陶匏與古不異而大裘蒲秸獨不復存其於
質敬恐有未盡且一獻為質其劔佩之飾及公卿所著冕服
可共詳定五經博士陸瑋等並云祭天猶存掃地之質而
服章獨取黼黻為文於義不可今南郊神座皆用苧席此
獨莞類未盡質素之理宜以棠秸為下藉蒲越為上席又
司服云王祀昊天服大裘明諸臣禮不得同自魏以來皆
用裘服今請依古更制大裘制可瑋等又尋大裘之制唯

鄭玄注司服云大裘羔裘也既無所出未可爲據案六冕之服皆玄上纁下今宜以玄繒爲之其制式如裘其裳以纁皆無文繡冕則無旒諤○又乘輿宴會服單衣黑介幘舊三日九日小會初出乘今輅服之

八年帝改去還皆乘輦服白紗帽

九年司馬鈞等參議禮記玉藻云諸侯玄冕以祭裨冕以朝雜記又云大夫冕而祭於公弁而祭於已今之尚書上異公侯下非卿士止有朝衣本無冕服但既預齋祭不容同在於朝宜依太常及博士諸齋官例著皐衣絳襪中單竹葉冠若不親奉則不須入廟帝從之

十一年尚書參議按禮跣事由燕坐屨不宜陳尊者之側今則極敬之所莫不皆跣清廟崇嚴既絕恒禮凡有履行者應皆跣可

陳永定元年武帝即位徐陵白所定乘輿御服皆採梁之舊制又以爲冕旒後漢用白玉珠晉過江服章多闕遂用珊瑚雜珠飾以翡翠侍中顧和奏今不能備玉珠可用白玳從之蕭驕子云白玳蚌珠是也帝曰形制依此今天下初定務從節儉應用繡織成者並可彩畫金色宜塗珠玉之飾任用蚌也至天嘉初悉改易之定令具依天監舊事然亦徃往改革今不同者皆隨事於注言之不言者蓋無

所改制云

皇太子金璽龜鈕朱綬

三百二十首

朝服遠遊冠金博山佩瑜

玉翠綉垂組朱衣絳紗袍皁緣白紗巾衣白曲領帶鹿盧

劍火珠首素革帶玉鈎變獸頭鞞囊其大小會祠廟朔望

五日還朝皆朝服常還上宮則朱服若釋奠則遠遊冠玄

朝服絳緣中單絳袴袜玄鳥講則著介幘又有三梁進賢

冠其侍祀則平冕九旒衮衣九章白紗絳緣中單絳繒鞞

赤鳥絳鞮若加元服則中舍執冕從皇太子舊有五時朝

服自天監之後則朱服在上省則烏帽永福省則白帽云

諸王金璽龜鈕朱綬

一百六十首

朝服遠遊冠介朱衣絳

紗袍皂緣中衣素帶黑烏佩山玄玉垂組大帶獸頭鞞鞞
劔若加餘官則服其加官之服

開國公金章龜鈕玄朱綬二百四十首朝服紗朱衣進賢三梁冠

佩山玄玉獸頭鞞鞞鞞

開國侯伯金章龜鈕青朱綬一百二十首朝服紗朱衣進賢三

梁冠佩水蒼玉獸頭鞞鞞鞞

開國子男金章龜鈕青綬二百首朝服紗朱衣進賢三梁冠

佩水蒼玉獸頭鞞鞞鞞

縣鄉亭關內關中及名號侯金印龜鈕紫綬朝服進賢二

梁冠獸頭鞞鞞鞞關內關中及名號侯則珪鈕

關外侯銀印珪鈕青綬朝服進賢二梁冠獸頭鞞青劔

諸王嗣子金印珪鈕紫綬首八十朝服進賢二梁冠佩山玄

玉獸頭鞞青劔

開國公侯嗣子銀印珪鈕青綬首八十朝服進賢二梁冠佩

水蒼玉獸頭鞞青劔

太宰太傅太保司徒司空金章龜鈕紫綬首八十朝服進賢

三梁冠佩山玄玉獸頭鞞青劔陳令加有相國丞相服制同

大司馬大將軍太尉諸位從公者金章龜鈕紫綬首八十朝

服武冠佩山玄玉獸頭鞞青劔直將軍則不帶劔

凡公及位從公言以將軍及以左右光祿開府儀同者各隨本位號其文則曰某位號儀同之章

五等諸侯助祭郊廟皆平冕九旒青玉為珠有前無後各以其綬色為組纓旁垂黹纁衣玄上纁下畫山龍已下九章備柔大佩赤舄胸履錄尚書無章綬品秩悉以餘官摠司其任服則餘官之服猶執笏紫荷其在都坐則東面最上

尚書僕射尚書銅印墨綬朝服納言幘進賢冠佩水蒼

玉尚書則無印綬青劔紫荷執笏陳尚書令僕射金章龜鈕紫綬八十首獸頭鞞尚書無印綬及

鞞餘並同梁

侍中散騎常侍通直常侍負外常侍朝服武冠貂蟬侍中左挿

常侍右挿皆青劔佩水蒼玉其負外常侍不給佩舊至尊朝會登殿侍中

常侍夾御御下輿則扶左右侍中驂乘則不帶劔

中書監令祕書監銅印墨綬朝服進賢兩梁冠佩水蒼玉

冑劔獸頭鞞

陳制銀章龜鈕青綬八十首獸頭鞞冑劔餘同梁

左右光祿大夫皆與加金章紫綬同其但加金紫者謂之

金紫光祿但加銀青者謂之光祿大夫

陳令有特進進賢二梁冠朝服佩水

蒼玉冑劔梁令不載

光祿太中中散大夫太常光祿弘訓太僕太僕廷尉宗正

大鴻臚大司農少府大匠諸卿丹陽尹太子保傅大長秋

太子詹事銀章龜鈕青綬獸頭鞞朝服進賢冠二梁佩水

蒼玉卿大夫助祭則冠平冕五旒黑玉爲珠有前無後各

以其綬采為組纓旁垂黹纒衣玄上纁下畫華蟲七章皆

佩五采大佩赤舄胸履

陳宮卿改云慈訓餘皆同梁又有大舟卿服章同

驃騎車騎衛將軍中軍冠軍輔國將軍四方中郎將全章

紫綬中郎將朝服武冠佩水蒼玉

陳令鎮衛驃騎車騎中軍中衛中撫軍中權四

征西鎮四安四翊四平將軍金章獸鈕其冠軍四方中郎將金章豹鈕並紫綬八十首獸頭鞞朝服武冠佩水蒼玉自中

軍已下諸將軍及冠軍四方中郎將並官不給佩

○領護軍中領護軍五營校尉

銀印青綬朝服武冠佩水蒼玉獸頭鞞其屯騎夾御日假

給佩餘校不給

陳令領護金章龜鈕紫綬八十首中領護銀章龜鈕青綬八十首其五營校尉銀印珪

鈕青綬八十首官不給佩餘並同梁

弘訓衛尉衛尉

陳宮卿云慈訓服同諸卿但武冠

司隸校尉

陳無左右衛

驍騎游擊前左右後軍將軍龍驤寧朔建威振威舊威揚

威廣威武威建武振武奮武揚武廣武等將軍積弩積射

強弩將軍監軍銀章青綬朝服武冠佩水蒼玉獸頭鞞驍

游已下並不給佩驍游夾侍日假給陳令左右衛銀章龜

游擊雲騎游騎前左右後軍將軍左右中郎將銀印珪鈕

餘服飾同梁亦官不給佩其驍游雲騎夾御日假給其積

弩積射強弩銅印環鈕墨綬帶劍餘服同梁又有忠武軍

師武臣爪牙龍騎雲麾鎮兵朔帥宜惠宣毅智威仁威勇

威信威嚴威智武仁武勇武信武嚴武金章豹鈕紫綬八

十首官不給輕車鎮朔武旅貞毅朔威寧遠安遠征遠振
遠宣遠等將軍金章豹鈕紫綬並
獸頭鞞朝服武冠佩水蒼玉
國子祭酒阜朝服進賢二梁冠佩水蒼玉
御史中丞都水使者銀印墨綬朝服進賢二梁冠獸頭鞞

署劔佩水蒼玉陳中丞銀章龜鈕青綬八十首二梁冠餘同梁其都水陳梁改為太舟卿服在諸卿

見中

謁者僕射銅印環鈕墨綬八十首朝服高山冠獸頭鞞佩水

蒼玉署劔

諸軍司銀章龜鈕青綬朝服武冠獸頭鞞

給事中黃門侍郎散騎通直員外散騎侍郎奉朝請太子

中庶子庶子武衛將軍武騎常侍朝服武冠署劔陳令庶子已上

簪筆其武衛不劔正直夾御白布袴褶

中書侍郎朝服進賢一梁冠署劔冗從僕射太子衛率銅

印墨綬獸頭鞞朝服武冠陳衛率銀章龜鈕青綬不劔冗從銅印環鈕墨綬署劔餘並同梁

武賁中郎將羽林監銅印環鈕墨綬朝服武冠獸頭鞞著
劍其在陞牙及備鹵簿著駝尾絳紗縠單衣

護匈奴中郎將護羗戎夷蠻越烏丸西域校尉銀印珪鈕

青綬朝服武冠獸頭鞞陳令無此官其庶子鎮蠻寧蠻平戎西戎校尉平越中郎將服章同

安夷撫夷護軍州郡國都尉奉車駙馬騎都尉諸護軍銀印

珪鈕青綬獸頭鞞朝服武冠陳安遠鎮蠻護軍州郡國都尉奉車駙馬騎都尉諸護軍

服章同無餘文

州刺史銅印墨綬獸頭鞞鞞鞞劍絳朝服進賢二梁冠陳銅章龜

鈕青綬餘同梁

郡國太守相內史銀音干龜鈕青綬獸頭鞞單衣介幘加中